

ხელშეკრულება № 12/15

თბილისი

• 14 დეკემბერი 2017 წ.

ერთის მხრივ, აფხაზეთის ა.რ. ჯანმრთელობისა და სოციალური დაცვის მინისტრის მოადგილე მარინა ონიანი (შემდგომში „შემსყიდველი“) და მეორეს მხრივ, შპს „ჯეი პი ეი ფინანსაუდიტი“ (ს/კ 200032810) დირექტორი ვახტანგ კეკუა (შემდგომში „მიმწოდებელი“) გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში-ხელშეკრულება) შემდეგზე:

§1 ხელშეკრულების საგანი

ხელშეკრულების საგანია CPV **79200000** - საბუღალტრო, აუდიტორული და ფისკალური მომსახურებები CPV **79212000** - აუდიტორული მომსახურება

- აფხაზეთის ა.რ. ჯანმრთელობისა და სოციალური დაცვის სამინისტროს ბალანსზე რიცხული ამორტიზებული ქონების ჩამოწერის მიზნით შესაბამისი აუდიტორული დასკვნის შედგენა (გამარტივებული შესყიდვა).

§2 ხელშეკრულების ღირებულება

2.1. მომსახურების საერთო ღირებულება შეადგენს - 200 (ორასი) ლარს. საქართველოს კანონმდებლობით გათვალისწინებული გადასახადების გათვალისწინებით.

§3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2. მიმწოდებელთან ანგარიშსწორება განხორციელდება მხარეებს შორის მიღება-ჩაბარების აქტზე შემსყიდველის მიერ ხელმოწერიდან 10 სამუშაო დღის განმავლობაში.

§4 მიღება - ჩაბარების წესი

4.1. შემსყიდველის მხრიდან მიღება-ჩაბარების აქტზე ხელისმომწერ უფლებამოსილ პირს წარმოადგენს ბუღალტრული აღრიცხვა - ანგარიშგებისა და სახელმწიფო შესყიდვების სამსახურის უფროსი თამაზ თოდუა.

4.2. მომსახურება მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

§5. მომსახურების გაწევის ადგილი და ვადა

5.1. მომსახურების მიწოდების ადგილია: თბილისი, ვაჟა ფშაველას 16;

5.2. მომსახურების მიწოდება განხორციელდება 2017 წლის 30 დეკემბრამდე;

§6. მხარეთა უფლება-მოვალეობანი*

- 6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 6.2. შემსყიდველი ვალდებულია უზრუნველყოს მიწოდებული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.
- 6.4. მიმწოდებელი ვალდებულია განახორციელოს მომსახურების მიწოდება ჯეროვნად, კეთისინდისიერად და სრული მოცულობით.

§7. პირგასამტეხლო ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 7.2. პირგასამტეხლოს გადახდა არ ათავისუფლებს მხარეს ვალდებულების შესრულებისაგან.

§8. ხელშეკრულებაში ცვლილებების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიტანოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6.ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

§9. დაუძლეველი ძალა

მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

§10. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

§11. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018 წლის 30 იანვრამდე.

§ 12 მხარეთა რეკვიზიტები

შემსყიდველი: აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტრო მისამართი: ქ.თბილისი, ვაჟა ფშაველას 16 საიდენტიფიკაციო კოდი: 249250466 საბანკო რეკვიზიტები: ხაზინის ერთიანი ანგარიში ბანკის კოდი: KSBGGE22.	მიმწოდებელი : შპს „ჯეი პი ეი ფინანსაუდიტი“ თბილისი, ვაჟა ფშაველას 16 ; ბანკი: „საქართველოს ბანკი“ ბ/კ BAGAGE22 ა/ა GE89BG0000000137901 ს/კ 200032810
--	---



დირექტორი
ვახტანგ კეკელიძე

